



partii naleraq

UPA2017/27

**Uunga siunnersuut: Uunga siunnersuut: Suliffeqarfinnik tunniussisoqartillugu sulisut inatsisitigut inissisimanagerat pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx. xxx 2017-imeersoq. (Suliassaqarfinnik tigusinermut atatillugu sulisunut tjenestemanditut atorfeqartitaanngitsunut atorneqarnera)**

(Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisoq)

Una siunnersuut oqaatigineqarsinnaavoq immikkoortoq 24 aamma 25-imut attuumassuteqartoq taamaattumik immikkoortunut taakkununga oqaaseqaatigut innersuussutigalugit, imatut Partii Naleqqamiit oqaaseqarfigissavarput.

Una inatsisissatut siunnersuut peqqussummut normu 7 2008-meersumut aammalu Inatsisartut Inatsisaannut normu 463 2009-meersumut ersarissaanerullunilu naleqqussaaneruvoq, suliffeqarfinnik akisussaaffimmik angerlaassinitsinnut atatillugu. Tassani qulakkeerniarneqarpoq sulereersut pisinnaatitaaffiisa innarlerneqannginnissaanik.

Taamaattorli aamma uagut tungitsinniit erseqqissaatigissuarput piginnaasat, nunatsinnut naleqqussaareernerup kingorna amigassangaluarpata pilersaarusiamik turn key projectinngorlugu piffissap aalajangersimasup iluani piginnaanngorsaanissamik imaqartarnissaata qulakkeernissaa pisariaqarluinnartutut isigingatsigu, tassami soorlu immikkoortoq 24 25-milu eqqaagipput qulakkeertariaqarparput qaammaasat misilittakkallu nunatsinni inuinnullu annertusarnissaata qulakkerniarnissaa.

Taamatut naatsumik oqaaseqarluta siunnersuut taperserparput ataatsimiititaliamilu aappassaaneerneqannginnerani oqaaseqaatigut ilanngullugit nalilersorlugit suliarineqarnissaa innersuussutigalugu.

Qujanaq